

平遙介休岳陽靈石武鄉在州東北由河南彰德府涉縣過潞安府達太原府祁縣尤爲南北要路隋唐間州治在沁故至今州以沁名其發源不在州治也

謹案今州自金以前皆爲銅鞮縣無沁州之名其故城一統志在州南四十里明志在州南十里皆目爲羊舌封邑據水經注銅鞮水所逕之故城在水南山中今故縣鎮距縣四十里乃在水北已不甚合太平記銅鞮城在縣南十五里有晉別宮而元和志則云銅鞮宮在縣東十五里志據唐縣言記襲其文而改東爲南據宋縣言尤爲不合惟以兩書所言里至核之知唐武德九年所移之縣確在今故縣鎮志云石縣西三十里記作西南七十里又甲水城縣北七十里伯華墓縣南六十里皆據今州治言之其銅

山西通志卷二十五

府州廳縣考三

平遙

鞮宮旣在故縣東十五里則直北距今州約得三十里舊唐書謂羊舌所邑在晉宮北二十里漢置銅鞮縣云云是州南十里之故城又不爲無據惟唐志本之上黨記其文具見後漢志注云晉別宮墟闕猶有北城去晉宮二十里羊舌所邑語殊詰屈以太平記證之闕猶有乃猶存之譌竊疑北城當是此城之譌卽水經注之故城也其城旣在水南山中去唐故縣當五六里去銅鞮宮亦不過二十里如此則羊舌舊邑秦漢舊縣皆在今故縣鎮之南而州南十里之故城或北魏所置或卽唐初徙治之鰲水堡又可推而知矣地形志銅鞮有銅鞮城是北魏之縣非復漢晉之舊鰲字書所無疑鰲之譌大抵北魏以前銅鞮兼有襄垣沁源地北境則全在涅縣自